



Aðalfundur Hestamannafélagsins Sprettis 16. nóvember 2017.

Fundur hófst kl. 20:10

Fundarstaður: Samskipahöll Sprettis

Dagskrá aðalfundar er:

1. Fundarsetning.
2. Kosning fundarstjóra og fundarritara.
3. Formaður leggur fram og kynnir skýrslu stjórnar um störf félagsins á síðasta starfsári.
4. Gjaldkeri leggur fram endurskoðaða reikninga félagsins til samþykktar, skoðaða af skoðunarmönnum félagsins.
5. Lagabreytingar, skv. 20. gr.
6. Kosning aðalstjórnar skv. 6. gr.
7. Kosning tveggja skoðunarmanna og tveggja til vara skv. 6. gr.
8. Kosning í nefndir skv. 17. gr
9. Ákvörðun félagsgjalds
10. Fjárhagsáætlun fyrir næsta ár skal lögð fram
11. Önnur mál, sem félagið varðar

1. Formaður félagsins, Sveinbjörn Sveinbjörnsson bauð félagsmenn velkomna og setti fundinn.

2. Sveinbjörn leggur til Kristinn Hugason sem fundarstjóra og Helga Hermannsdóttur sem fundarritara. Samþykkt einróma.

Kristinn tók við fundarstjórn og þakkar traustið sem honum er sýnt.

3. Kristinn bauð Sveinbirni formann félagsins velkominn í pontu á ný og flutti hann skýrslu stjórnar um störf félagsins á síðasta starfsári.

Sveinbjörn rakti störf stjórnar félagsins í stórum dráttum en verkefni hennar voru fjölmörg á síðasta ári og hélt stjórn fundi á tveggja vikna fresti og urðu fundir á þessu starfsári yfir 20.

Stjórn vildi einnig auka sýnileika Spretts gagnvart bæjarfélögum enda segir í lögum félagsins meðal annars í 2 gr. „Markmið félagsins er að efla áhuga á hestum og hestaíþróttum“. Þetta fólst meðal annars í því að auka umfjöllun og auglýsingum í bæjarblöðunum og mögulegt samstarf við HK um þrettándagleði o.fl.

Félagsmenn í Spretti eru nú 1.501 og hefur fjölgun þeirra numið 10% á þessu ári.

Formaður hvetur alla þá sem eru á svæði Spretts að gerast félagsmenn.

Starfsmenn Sprettis 2017:

- Magnús Benediktsson, framkvæmdastjóri – 100%,
- Jóhanna Elka Geirsdóttir, bókarari – 20%,
- Sveinn Gaukur Jónsson, húsvörður – 50% í 6 mánuði.
- Formaður þakkaði þeim fyrir vel unnin störf.

Formaður fór næst yfir þá vinnu sem stjórnin hefur verið að vinna að varðandi fjármál félagsins á síðasta starfsári en áherslur hafa verið á mikið aðhald í rekstri félagsins, einnig lögð áhersla á að auka tekjur sem tókst mjög vel. Ennþá eru nokkur útistandandi mál og ber þar helst að nefna arkitektamálið sem var áfrýjað til Hæstaréttar og ætti því að koma niðurstaða á næsta ári.

Formaður fór yfir samskipti við sveitarfélögin. Fundað hefur verið með Garðabæ vegna hugmyndasamkeppni um Rjúpnahæð. Framkvæmdastjóri er í miklum samskiptum við Garðabæ vegna nýrrar hesthúsabyggðar á félagssvæðinu. Einnig verið fundað með forsvarsmönnum Garðabæjar og Kópavogs um umhverfismál, lýsingar á svæðinu o.s.frv. Fleiri smærri fundir og samskipti voru við sveitarfélögin á árinu.

Formaður gerði grein fyrir þætti umhverfismála á síðasta starfsári. Sérstaklega minntist formaður á að gróðursett voru fjölmörg tré í desember. Þakkaði formaður sérstaklega sjálfboðaliðum sem komu að því verkefni og öllum þeim sem lögðust á eitt að þrifa Samskipahöllina áður en vetrarstarfið byrjaði. Fyrirhugaðar eru frekari gróðursetningar næsta vor í samráði við bæjarfélögin. Reiðvegamála eru í góðum farvegi, beðið er eftir framkvæmdaleyfi fyrir reiðvegi um Grunnuvatnaskarð og Grunnuvötn.

Félagshesthús var starfrækt, var það þrifið og málað síðastliðin vetur, fjögur ungmenni voru með hesta þar á kostnaðarverði.

Beitarhólf eru í dag yfir 40 í Básaskarði. Næsta sumar verða um 40 ný beitarhólf tekin í notkun. Gróðursetning fyrirhuguð á svæðinu á næstunni.

Útleiga á veislusal gengur vel og voru nær allar helgar bókaðar í sumar. Allir laugardagar frá 1. mars til 1. október 2018 eru þegar uppbókaðir.

Í Spretti er öflugt félagsstarf sem tekið er eftir. Í félaginu voru starfræktar 19 nefndir síðastliðin vetur þar sem fjölmargir félagsmenn vinna mjög svo óeigingjarnt starf fyrir Sprett. Styrkur félagsins felst einmitt í þeim mannauði sem félagið býr yfir. Formaður vill nota tækifærið og þakka öllu þeim sem lagt hafa hönd á plóg í félagsstarfinu kærar þakkir fyrir óeigingjarnt starf.

Hattavallahöllin mun heita Húsasmiðjuhöllin eftir endurbætur sem nú standa yfir. Gott dæmi um styrk félagsmanna Sprettis er aðkoma félagsmanna með sjálfboðavinnu við endurbætur á höllinni.

Útleiga á Samskipahöllinni og Hattavallahöllinni gekk vel, seldir voru 125 lykklar síðastliðinn vetur. Opnunartími verður óbreyttur, frá 7:00 til 23:00. Gjald fyrir félagslykill helst óbreytt kr. 2.000 á mánuði fyrir einstakling, opnunartíminn 14:00 -23:00 á virkum dögum og 7:30 – 23:00 um helgar. Atvinnumannalykill óbreyttur kr. 15.000 á mánuði. Lyklakerfi verður tekið upp í Hattavallahöllinni.

Fjölmargir viðburðir eru framundan hjá Spretti, eru félagsmenn hvattir til að fylgjast vel með á dagatali félagsins og taka þátt. Félagið hefur gefið út veglegt dagatal með myndum af hestum félagsmanna í Spretti, eintök liggja frammi og geta félagsmenn tekið eintak til að hafa í hesthúsum sínum. Einnig er hægt að fylgjast með á dagatali félagsins á heimsíðu Sprettis.

Formaður bendir félagsmönnum á gæluverkefni framkvæmdastjóra Spretts, upplýsingar eru á bakhlið dagatals Spretts. Gamanferðir eru að setja upp Sprettsferð á HM í Berlín 2019. Flogið verður með 220 sæta vél frá WOW og hafa félagsmenn Spretts forgang.

Fundarstjóri þakkaði Sveinbirni fyrir greinagóða skýrslu og bauð félagsmönnum orðið ef einhverjar fyrirspurnir eða frekari útskýringa væri óskað.

Fyrirspurnir úr sal:

Reynir tók til máls. Hvert á að færa hringgerðið? Formaður svaraði. Í deiluskipulagi á reiðvegur ekki að vera framhjá hringgerðinu, í vetur verður sett upp lýsing en áætlað er að færa gerðið nær akvegi. Reynir bauð fram vinnu við að færa gerðið.

Einnig kom úr sal spurning. Er á deiluskipulagi að setja upp reiðgerði? Formaður svaraði. Á deiluskipulagi eru tvö hringgerði, ekki er fjármunir til að ráðsat í framkvæmdir núna, einnig þarf styrk frá bæjarfélögunum í þetta verkefni.

Jenný tók til máls. Hvað með lýsingu í stóragerðið? Formaður svaraði. Það hefur verið rætt en fyrst verður lögð áhersla á að lýsa upp reiðvegi

Ekki fleiri fyrirspurnir úr sal.

4. Kristinn bauð Sveinbirni formanni félagsins orðið.

Formaður lagði fram reikninga félagsins til samþykktar.

Félagslega kjörnir skoðunarmenn hafa yfirfarið reikningana.

Formaður fór yfir helstu tölur efnahagsreiknings og rekstrarreiknings fyrir (01/10/16 – 30/09/17)

Reikningar félagsins með skýringum lágu frammi á borðum fyrir fundarmenn.

Rekstrarreikningur í þús. Króna:

Rekstrartekjur	63.546
Rekstrargjöld	-51.543
Fjármunatekjur	41
Fjármagnsgjöld	-3.698
Afkoma	8.305

Rekstrartekjur í þús. Króna:

Greidd félagsgjöld	6.015
Mótahald og námskeið	19.895
	14.204
Rekstrarstyrkir	
Leigutekjur og styrkir	23.431
Afkoma	63.546

Rekstrargjöld í þús. Króna:

Laun og verktakagreiðslur	13.246
Mótahald og námskeið	18.678
Rekstur eigna	17.035
Skrifstofu- og stjórnunarkostnaður	1.476
Framlag til LH	1.107
Samtals gjöld	51.542

Efnahagsreikningur:

Varanlegir rekstrarfjármunir	224.197
Langtímakröfur	537.441
Skammtímakröfur	8.227
Handbært fé	73
	769.938
Annað eigið fé	737.930
Skammtímaskuldir	32.008
	769.938

Fundarstjóri bauð fundarmönnum upp á fyrirspurnir en ekki bárust neinar.

Reikningar félagsins bornir upp til samþykktar.

Reikningar félagsins og skýrsla stjórnar fyrir árið 2017 samþykkt einróma.

5. Lagabreytingar skv. 20. gr.

Engar lagabreytingar lagðar fyrri fundinn.

6. Skv. lögum félagsins fór fram kosning til stjórnar.

Formaður gefur kost á sér til áframhaldandi setu. Samþykkt einróma með lófataki.

Kosið var um þrjú stjórnarsæti. Að þessu sinni gengu úr stjórn félagsins Berglind Guðmundsdóttir, Helga Hermannsdóttir og Kristín Njálsdóttir en þær gefa ekki kost á sér til áframhaldandi stjórnarsetu. Fráfarandi stjórnarmönnum er þökkuð góð störf í þágu félagsins.

Fundarstjóri kallaði eftir upplýsingum um framboð og bauð þeim einstaklingum að kynna sig.

Eftirfarandi félagsmenn buðu sig fram í stjórn:

- Lárus Finnbogason
- Sverrir Einarsson
- Auður Stefánsdóttir

Allir frambjóðendur kosnir einróma með lófataki.

7. Kosning tveggja skoðunarmanna reikninga og tveggja til vara skv. 6. gr.

Pétur A Maack og Helga Hermannsdóttir voru einróma kjörnar skoðunarmenn reikninga. Guðmundur Hagalínsson og Kristín Njálsdóttir voru kosnir skoðunarmenn til vara.

8. Kosning í nefndir skv. 17. gr.

Lagði fundarstjóri til þá breytingu á þessum lið þar sem stjórn skipar í nefndir en margar nefndanna hafa þegar hafið störf. Þá upplýsti fundarstjóri að þeir sem áhuga hafa á að starfa með nefndum félagsins gefi sig fram við framkvæmdastjóra Spretts.

Fundarmenn gerðu ekki athugasemd við þessa leið við kjör í allar nefndir félagsins.

Fundarstjóri þakkaði það ötula nefndarstarf sem er í Spretti en það drífur fram og er undirstaða félagsins.

9. Ákvörðun félagsgjalds. Stjórn Spretts leggur til að félagsgjald verði óbreytt á komandi starfsári.

Félagsgjald 2018:

- Fullt gjald kr. 13.000
- Öryrkjar kr. 6.000
- Ungmenni kr. 6.000

Gjaldfrjálsir eru:

- Eldri borgarar fæddir 1951 og fyrr
- Börn og unglingar fæddir 2001 og síðar

Vinir Spretts – þeir sem ekki eru í hestamennsku en vilja vera styrktaraðilar:

- Gjaldið er kr. 4.000 á ári

10. Fjárhagsáætlun fyrir næsta ár.

Fundarstjóri býður formanni í pontu til að kynna fjárhagsáætlun félagsins frá 1. okt. árið 2017 til 30. sept 2018.

Formaður gerði grein fyrir rekstraráætlun/fjárhagsáætlun.

	Áætlun 2017/2018	Raun 2016/2017
Rekstrartekjur:		
Félagsgjöld	6.500	6.015
Mótahald og námskeið	19.000	19.895
Rekstrarstyrkir	18.000	14.204
Leigutekjur og styrkir	23.000	23.431
Aðrar tekjur		
	<hr/>	<hr/>
	66.500	63.545
Rekstrargjöld:		
Laun og launatengd gjöld	13.500	13.246
Mótahald og námskeið	18.000	18.678
Rekstur eigna	17.000	17.035
Skrifstofu- og stjórnunarkostnaður	1.500	1.476
Framlag til LH	1.500	1.107
Annar rekstrarkostnaður	0	0
	<hr/>	<hr/>
	51.500	51.542
Afkoma fyrir fjármagnsliði	15.000	12.003
Fjármunatekjur og fjármagnsgjöld	-3.000	-3.698
	<hr/>	<hr/>
Rekstrarafkoma	12.000	8.305

Fjárhagsáætlun/rekstraráætlun afgreidd án athugasemda.

11. Önnur mál.

Fundarstjóri gaf orðið laust og bauð félagsmönnum að stíga í pontu.

Aðalheiður tók til máls. Nú er búið að malbika götur og þá þurfa hestar að fara yfir malbikið þegar fara er í Samskipahöllina, á götunum eru háir kantar sem er mikið ólán. Formaður svaraði. Við Landsenda eru svona kantar, það hefur ekki valdið vandræðum. Samkvæmt skipulagi er miðað við að hesta fari ekki eftir akvegum. Meðfram Markarvegi er reiðvegur sem á ekki að vera, það veldur vandræðum þar sem þá er verið að þvera akvegi. Malbik og kantsteinar eru hugsaðir til að reiðmenn fari eftir reiðvegum þannig að reiðvegakerfið virki.

Aðalheiður tók til máls. Er hverfið fyrir hesta eða bíla, við malbikun þrengjast götur og erfitt er að koma með hey. Sigurður Tyrfingsson svaraði. Er að skoða málið, ætla að skoða hvort hægt er að setja gúmmímottur/gúmmíhellur í sömu breidd og reiðgötur þar sem bílvegur þverar reiðgötur og væri þá kantsteinn tekinn í burtu. Málið verður rætt í stjórn.

Aðrar fyrirspurnir bárust ekki.

Fundarstjóri gaf Hermanni Vilmundarsyni orðið en á fundinum fór fram viðurkenningar til unga fólksins í félaginu.

Í flokknum Besti keppnisárangur 2017 fengu eftirfarandi aðilar viðurkenningar:

Barnaflokkur stúlkur : Guðný Dís Jónsdóttir

Barnaflokkur drengir : Sigurður Baldur Ríkharðsson

Unglingaflokkur stúlkur : Herdís Lilja Björnsdóttir

Unglingaflokkur drengir : Kristófer Darri Sigurðsson

Ungmennaflokkur stúlkur: Anna Bryndís Zingsheim

Hvatningaverðlaun

Veitt voru hvatningaverðlaun í barna- og unglingaflokki. Við val á einstaklingum er horft til áhuga, ástundun, framfara og til þátttöku í viðburðum félagsins, í keppni og námskeiðapátttöku hjá félaginu. Einungis er hægt að hljóta þessi verðlaun einu sinni.

Hvatningaverðlaun 2017 hlutu:

Barnaflokkur – Herdís Björg Jóhannsdóttir

Barnaflokkur – Diljá Sjöfn Aronsdóttir

Unglingaflokkur – Gunnar Ragnarsson

Unglingaflokkur – Júlía Guðbjörg Gunnarsdóttir

Sprettur óskar öllu þessu frábæra íþróttafólki innilega til hamingju með góðan árangur á tímabilinu.

Fundarstjóri þakkaði fundarsetu og góða og málefnalegar umræður.

Fleira ekki gert.

Fundi slitið kl. 21:20

Fundargerð ritaði Helga Hermannsdóttir

